

Mahadiak anak Kedah riuhkan persidangan

BH 13 SEP 1982

KUALA LUMPUR, Ahad — Presiden UMNO yang memperkenalkan dirinya secara berjenaka sebagai 'Saya Mahadiak anak Kedah' menyebabkan para perwakilan Perhimpunan Agung UMNO tidak kering gusi.

Dewan juga menjadi riuh rendah bila Datuk Seri Dr. Mahathir Mohamad menggunakan beberapa perkataan longhat Kedah seperti 'fikiak' (fikir), 'kotok' (kotor) 'lccc' (rumit), 'koman' (tak bagus) dan beberapa

perkataan lagi.

"Maklumlah, saya ni orang Kedah, duduk di Kuala Lumpur, terpaksa belajar Bahasa Kebangsaan dengan betul," katanya disusuli gelak ketawa para hadirin.

Di suatu ketika dalam ucapannya, beliau tidak melepaskan peluang untuk bergurau, lebih-lebih lagi sewaktu menyentuh para pemimpin adalah lambang dan contoh untuk diikuti rakyat.

"Ada setengah orang menyindir saya cakap tak serupa bikin dan saya dicadangkan membuat kerja apa yang dibuat

oleh rakyat.

Takkanlah saya nak bina rumah, menangkap ikan di laut, menanam padi di bendang dan memanjat bangunan untuk buat bangunan tinggi. Matilah macam ni," katanya berseloroh yang kemudiannya diikuti dengan ketawa berdekah-dekah.

Ramai perwakilan memuji ucapan gulung Datuk Seri Dr. Mahathir yang begitu bernas berani dan tegas.

Beberapa pemerhati yang mendengar ucapannya di luar dewan menerusi kaca TV tidak menduga beliau cekap berpidato.

"Ucapan beliau tegas terutama mengenai isu bahasa di RTM dan peranan UMNO sebagai pemimpin masyarakat," kata salah seorang dari mereka.

Para wartawan yang mengikuti ucapan beliau dengan penuh minat juga memuji ucapannya yang sungguh tajam, tepat, bernas dengan buktibuktinya sekali.

"Kaset mengenai bahasa campur di Rangkaian Hijau yang diperdengarkan kepada para perwakilan selama tiga minit itu, membuktikan beliau bersedia sebelum berhujah mengenai perkara itu.